

07.11.7

Stífla í framboðsmálum Kvinnalistas:

Urgur í konum í Reykjavík

DV
19.12.
194

— þrýst á Kristínu Halldórsdóttur í framboð á Reykjanesi

Þrátt fyrir að forvali Kvinnalistas í Reykjavík hafi lokið fyrir viku hefur uppstillingarnefnd ekki enn gert framboðendum grein fyrir niðurstöðunni. Samkvæmt heimildum DV hefur þetta valdið gremju meðal kvennanna 16 sem sækjast eftir setu í efstu 10 sætum.

Samkvæmt forvalsreglunum er forvalið bindandi hafi 60 prósent „flokksbundinna“ kvenna tekið þátt í forvalinu, þó að því tilskildu að viðkomandi framboðandi hafi fengið minnst helming greiddra atkvæða. Samkvæmt áreiðuleg-

um heimildum DV var þátttakan ekki nægileg í forvalinu til að það teljist bindandi. Þetta mun verða tilkynnt á félagsfundi Kvinnalistas í Reykjavík á morgun.

Samkvæmt heimildum DV eru miklar líkur á því að Kristín Ástgeirsdóttir muni leða framboðslistann í Reykjavík í næstu kosningum. Mikil óvissa er hins vegar um hvaða konur skipi annað og þriðja sætið. Baráttan um þessi sæti stendur einukum á milli þeirra Þórunnar Sveinbjarnardóttur annars vegar og hins vegar þeirra Elfinnar G. Ólafsdóttur, Mariu Jóhönnu

Lárusdóttur og Guðnýjar Guðbjörnsdóttur.

Á Reykjanesi er forvali einnig lokið og er uppstillingarnefnd enn að störfum. Samkvæmt heimildum DV varð Bryndis Guðmundsdóttir hlutskörpust í forvalinu. Ekki er þó einsýnt að hún skipi fyrsta sætið því mjög hefur verið þrýst á Kristínu Halldórsdóttur að taka þetta sæti. Kristín gaf hins vegar ekki kost á sér í forvalinu og því verður það uppstillingarnefndar að taka ákvörðun, meðal annars með tilliti til undirskriftalista frá stuðningsmönnum Kristinar. -kaa

Niðurstöður í forvali Kvinnalistas kynntar í janúar

Mbl.
21.12.
194

UPPSTILLINGARNEFND Samtaka um kvinnalista í Reykjavík kom saman í gær til að endurtelja atkvæði í forvali um skipan efstu sæta á framboðslistanum í Reykjavík. Að sögn Guðrúnar Agnarsdóttur, sem sæti á í nefndinni, var engin sérstök ástæða fyrir því að atkvæðin voru talin á ný önnur en að nefndin hafi viljað að enginn vafi léki á niðurstöðunni, en hún verður ekki gerð opinber fyrr en á félagsfundi í janúar.

Niðurstæða forvalsins er ekki bindandi þar sem ekki reyndist næg þátttaka en miðað var við að 60% kvinnalistakvenna greiddu atkvæði um röðun þeirra 16 kvenna sem gáfu kost á sér á listann.

„Við þurfum að huga betur að þessu, væntanlega að tala við konurnar og skipa öllum á lista og síðan

verður haldinn fundur snemma í janúar þar sem listinn verður kynntur,“ segir Guðrún.

Þrýst á Kristínu Halldórsdóttur

Samskonar staða er uppi á Reykjanesi en þar urðu niðurstöður skoðanakönnunar sem efnt var til ekki bindandi vegna ónógrar þátttöku og er uppstillingarnefnd enn að störfum við að fara yfir röðunina á listann. Að sögn Önnu Ólafsdóttur Björnsson, sem sæti á í nefndinni, voru skráðar Kvinnalistakonur beðnar um að senda inn tilnefningar og var svo efnt til forvals um röðun þeirra kvenna sem gáfu kost á sér í tíu efstu sætin. Þótt niðurstöður forvalsins lægju fyrir voru þær ekki kynntar á félagsfundi sem haldinn

var fyrir tæpum tveimur vikum, skv. upplýsingum Morgunblaðsins, og voru nokkrar Kvinnalistakonur ekki sáttar við þetta. Hafa þær að undanfögnu safnað undirskriftum með áskorun á Kristínu Halldórsdóttur fyrrv. þingkonu, að gefa kost á sér í efsta sæti framboðslistans, en hún hafði áður hafnað því.

Anna sagði að beðið yrði eftir því hvort Kristín breytti afstöðu sinni áður en gengið yrði endanlega frá þessum málum og kvaðst hún ekki gera ráð fyrir að framboðslisti lægi fyrir fyrr en í janúar.

Kristín sagðist í samtali við Morgunblaðið í gær hafa tekið þá ákvörðun í haust að gefa ekki kost á sér og hún hefði ekki breytt um afstöðu. Hún sagðist skoða málin í rólegheitum ef hún fengi áskoranir í hendur.